



## Universitätsbibliothek Paderborn

**Nuclevs Coppensteinivs Conceptvvm Prædicabilivm In  
Dominicas Festaqve omnia per Annum**

**Coppenstein, Johann Andreas**

**Mogvntiæ, 1624**

In Festo Assvmtæ B. V. Mariæ. Quæ est ista, quæ progreditur, quasi aurora  
consurgens? Canticorum 6.

[urn:nbn:de:hbz:466:1-51556](https://nbn-resolving.de/urn:nbn:de:hbz:466:1-51556)

*Sed nouo  
Christi  
pass.*

*fese in igne martyrij Deo consecrantū.  
1. In V.T. istud Esdra 4.c. 4. proflus inso-  
lubile fuit & Sphyngicurn. Vade, pondera  
michi pondus ignis : aut mensura mibi flatum  
venit; aut reuoca mihi diem, que præterit. Cui  
Esdras : *Quis natorum poterit sacere, ut me  
interroges de his?* S. Laurentius potest.*

*Vt si sed II. Pro. 6. Nunquid potest homo abconde-  
re ignem in sinu suo, ut vestimenta illius non  
ardeantur: aut ambulare super prunas, ut non co-  
buratur plāta ei? Id factū in fornace Baby-  
lonica. Dan. 3. Factū & in S. Laurentio est.*

*Quod per-  
magnum. Variæ torturæ Heb 11. recensentur. Ut  
Alij ludibria & verbera experti, insuper &  
vincula & carcera, lapidati sunt, scēti sunt, tē-  
tati sunt, in occidente gladij mortui sunt, egen-  
res angustiati, afflitti: Quanto maiora di-  
xisset, si addidisset: Tostī sunt, super craticulā  
assati sunt, combusiti sunt, &c. At hæc S. Lau-  
rentio euenerunt.*

*Maius pœ-  
nia excidijs  
Ierosolymitani.  
nisi. 2. Ierosolymitarum in excidio dira-  
perpessa deplorat sic Psaltes. 78. Deus, ve-  
nerunt gentes in hereditatem tuam: polluerunt  
Templum sanctum tuum: posuerunt morticina  
seruorum tuorum in escas volatilibus celi, car-  
nes sanctorum tuorum bestijs terra. Funestius  
est S. Laurentij viuicomburium.*

*Maius Iobi  
patientia. 3. Iobi patientia magna: at obruta  
tamen miseriis, queritur, Iob. 6.  
Quæ est fortitudo mea, ut sustineam? aut  
quis sinu meus, ut patienter agam. Nec fortitudo  
lapidum fortitudo mea, nec caro mea æ-  
nea est. At S. Laurentij caro quasi ænea:  
nec enim plus dolores estimabat, quam  
si æneus fuisset. Quanto is Iobo fortior?*

*Maius  
Scenola  
constantia. 4. Prædicit Romani suum Mut. Scæ-  
uolum, manūq; eiusigne correfactam sic  
cic oculis: Dicat de eo Seneca 1.9. Epist. 6.  
Non dubito, quin magis laudauerim torridam  
illam manum Mutij, quam cuiuslibet saluam.  
Non dexteram solam ignibus iniecit i-  
gnis, sed corpus totum, cum irrisu tyran-  
ni Laurentius. Tantoq; maior noua Ro-  
ma est veteri.*

*5. Igne Salamandra viuat. 2. Pyrausta  
nascentur in igne: 3. Acharis gemmæ dos Maius ne-  
ea sit & vis, ut igne nec consumatur, nec  
quidem calet. 4. Linum Carpathium  
ignibus gaudeat, ut iis candidior redda-  
tur, tantum non denigretur. Talia iis na-  
tura: maiora S. Laurentio gratia con-  
tulit, ut zeli igne ignem superaret. No-  
tum gloriam!*

*6. Fuerint, q; in Apollinis sacrificio pru-  
nis illæsi inambularint illæsi: Vix fides tiumludi-  
est: at certissima de S. Laurentio. Viciti-  
gnem, Tyrannum: Romam.*

*Bene precemur illi: Ps. 40. Dominus o-  
pem ferat illi super lectum doloris eius: vniuer-  
sum stratum eius versasti in infirmitate eius.  
O lectum! O theatrum mirabilium. Ca-  
pere iam flores est in ignibus; ecce vt gē-  
mant guttae sanguis, ut vernant roſe cruo-  
ris, ut lilia carent martyris latet? Quanta  
in martyrio philosophia virtutum est &  
gratiarum? &c.*

## IN FESTO ASSUMPTÆ

B.V. Mariae.

*Quæ est ista, que progreditur, quasi  
aurora consurgens? Cantico-  
rum 6.*

*A Rca Noe. Gen. 8. agitata diu per vndas  
diluuij, substitut demum in montib.  
Armenia. Arca veri Noei Salvatoris,  
per varios ducta casus, vitæq; miseras, in  
montibus æternis consistit, die hoc tri-  
umphis ac prodigiis admirando.*

Super quo nos

- I. De supereminente Alme Virginis Ma-  
riae præcellentia.
- II. De obdormitione Deipare.
- III. De conuenientia suscitandæ Mariæ, &  
seruandæ ab corruptione.
- IV. Probabilitates altæ super eodem Priu-  
legio.
- V. Detriumpho, & gloria assumta.
- VI. Decultus debito Assumptæ.

PARS

## PARS I.

*De supereminente Alme Virginis Mariae  
præcellentia.*

I. **Q**uid secundum Deum, Natumque  
Deo pulcrius & absolutius Deipara?  
Appelles Athen. X. ipsos annos in una  
posuit Venere pingenda. Pinxit: propo-  
suit miraculum omnibus: sed corruptio  
iuuentutis, amoribus depereuntis. Ut ta-  
bula S. C. fuerit è publico remouenda.  
At quantum super omnes una est casti-  
moniae Diua, pictorque eius Sanctus Spi-  
ritus; & anni quater millenni, immo æter-  
nitas prædestinata idææ Marianæ: Tan-  
tum ipsa incompatabilis est. Nam  
Nec primam similem visa est, nec habere se-  
quentem.

*Salomon Rex, 3. Reg.* <sup>10</sup> thronum e-  
burneum, auro iucrustatum struxit: Non  
est factum tale opus in vniuersis regnis. Virgo  
thronus Iesu paratus à Deo est ex ebore  
castitatis, & charitatis auro talis, vt par-  
nihil, nec vel in cœlis.

II. Templum Salomonis, nisi sacra  
Scriptura esset, que describit, fidem ex-  
cederet. *3. Regum 5. & 6. Aedificarunt eam*  
*annis septem quotidie septuaginta millia*  
*portantium onera, & octoginta millia la-*  
*totorum. Grande opus.* *1. Paralip. 29.* Nec  
enim homini præparatur habitatio; sed Deo. At  
grandius opus Deiparæum, Templum  
vium Dei viui; ab S. Trinitate factum,  
& perfectum.

1. Bene de ea scripsisti Thoma: part. 1.  
questione 25. artic. 4. Esse Eam. Omnipot-  
tentia opus absolute sic, vt nihil supra.  
2. Est illa quidem omnipotentia Dei infi-  
nitæ, potestque plura, quam fecit; tria si-  
dem seris: Beatitudinem: Iesum, Mariam.  
Quibus Deus quid, quod præter Se ad-  
dat, inuenierit? Si præter se melius norit  
aliud, & maius. 3. Nec loc' est quidé, quo  
euehatur sublimius. 4. Vere ipsa, *Luc.*,

*Fecit mihi Magna, qui Potens est. Magna per*  
*gloriam & throni, & honoris, & potentiae*  
*regalis. Pergratiam; vt ex qua Deus, in qua*  
*omnia præter essentiam Dei. Per naturam*  
*in donis corporis Pandora est. Psalm.*  
*44. Vultum tuum deprecabuntur omnes diui-*  
*tes plebis.*

III. 1. *Dionysium Areopagitam inde* <sup>s. Forma:</sup>  
vsque Athenis exciuit diuinæ fama for-  
mæ. Qua visa diunum spirare, ac emica-  
re, ingenuæ edixit: Ni Deum crederem in  
cœlis adorandum: Te inter istam en-  
crederem adorandum.

2. *Judithæ gratiam formæ* Deus aspira-  
uit tantam; quæ *Judith. 10.* omnes, etiam  
iuratū Iudaishostem caperet Holofer-  
nē. At Maria naturæ fuit, totiusque Uni-  
uersitupor, ac sidus cœlestis venustatis:  
quæ non humanum solum cogita-  
tum; sed & captum angelicum supe-  
raret.

3. Cicero in officiis de Virtute ait:  
Quæ si oculis cerni posset, admirabilem sui a-  
morem excitaret, traheretque vniuersos.  
Et non Maria nos, virtutum decus & a-  
pex, quam nec Cœlites sat admirari que-  
unt? Quæ est Isla, quæ progrereditur, quasi aurora  
consurgens, pulcra vt luna, electa vt sol, terribi-  
lis vt castrorum acies?

## PARS II.

*De obdormitione Deiparæ.*

I. **D**iem suum obiit Deipara: sed non *Credi posset*.  
Vnam cum Filio, vt quidam errant, *non obiisse.*  
Credi posset per S. Scripturam, non esse  
mortuam: 1. Sicut Enoch, Eliam, Ioan-  
nem Euang. Qui tamen in mundi fine  
morientur, vt est *Apoc. 12. 2.* Neque in  
Scriptura habetur esse mortuam.

3. Etsi generatim constet, *Heb. 9.* Sta-  
tutum est omnibus hominibus semel mori: at  
hunc, illum *ve* mortuum esse non scri-  
bitur.

Ergo. Traditio est eam obiisse mor-  
tem: <sup>Superstes.</sup>

Nnnn 3 tem:

*Filio fuit  
Curs*

tem: non cūm filio: Quia Act. 1. Omnes erant perseverantes in oratione cūm mulieribus, & Maria Matre Iesu. Superuixit: 1. Ut meritum altius sibi cumularēt. 2. Utque hæreticis ansa demeretur: Velut Manichæus, negantibus verum Christi Corpus. 3. Ut (ait S. Anselm. de excel. Virg.) Apostolos, aliosque diceret, ac solaretur.

Sic uir natura prouidit, ne vñquam sol & luna simul abessent ab orbe: ita Dei gratia neu Mater Dei, cūm Filiō pariter assumerentur.

*Non mar-  
tyrizata*

Errant vero, qui violenter extinxerāt opinantur ex isto, Luc. 2. Tuam ipsius animam pertransfūit gladius. Nam hic doloris eam pertransiit: non cruoris.

Ita Figuræ volunt. 1. Deut. 27. Aedificabis altare a Domino Deo tuo, de lapidibus, quos ferrum non tetigit. Intacta ferro Maria est, 2. Miraculum refertur. 3. Reg. 6. Mal'eus; & securis, & omne ferramentum non sunt auditæ in domo Domini, dum edificaretur. Ita vis nulla in deceſſu B. V. M.

*Sed mor-  
tua partim  
vt Filius a-  
more.*

II. Mortua est autem morte eadem, qua Filius. Ratio. Quia qua vita vixerūt, ea & obierunt: sed ambo vixerunt mutuamoris vita: ergo. Non quod vna utriusque anima; sed amor. 1. Sicut Act. 4. Credentium erat cor vnum, & anima vna. 2. Sic ut Gal. 2. Viuo ego, iam non ego: viuit vero in me Christus: Magis vero in Matre Filius, & in talitalis.

3. Si. 1. Reg. 18. animalia & hæc conglutinata erat anima Daudis, & dilexit eum Iona, quasi animam suam: Quanto magis Iste? Quare vt vnuſ amborum amor, & vita: ita dolor, & mors vna. Vnuſ vulnus utriusque: at corporale Filio, Matri spiritale. 4. Qualis iſtus telo ceruus, vulnera accepto fugit, ac discurrat: Ita haſit fauicæ matris mors Filii cerui maximi.

*Mortis me-  
moria  
Christi.*

Non illa; sed nos similes Cretensibus ceruis sumus; qui, vt prodit Aristot. cum fixo fugiunt telo, dictamnum hec hanc

quæritant: qua gustata, telum excidit, vulnusq; sanatum coit. Quis, viso Crucifixo, non figitur? At per mundum mox fugimus plerique, eiusque dictamnum gustamus: & perit memoria confixæ.

III. Atque tametsi Mater vti, *Anselmo.* Joan. 10. *lore.* Filius ex amore animam posuit, quia & quando voluit: hoc tamen discrimen fuit: *Quod Virgo pra amore, & sine dolore mortua est: vt ait B. Alb. Magnus in Ma-*

*riali.* 1. Ignis conclusus diu, demum se euibrat. At amor est ignis: & Mariæ maximus. Amor vero, & mors eiusdem sunt potentiae: Cant. 8. Fortis, vt mors, dilectio. Fortior etiam in Maria: vnde mortem arcessens amor somnum accersit Maria; sed ægræ prius amore. 2. Ab veneris ignibus ægrefcebat Amnon. 2. Reg. 13. Diuinæ sunt potentiores flammæ. 3. His, vt Phœnix annis grauior, odora coegerens ligna, iſque se imponit ab sole concipientib. ignem, quem alarum adiuuat agitatione; seque exuri finit. Ita B. Virgo aromaticum super crucis lignum, spinasque meditata, fecit in meditatione sua ex ardescere ignem, Psalm. 38. seque animam reddere.

### P A R S III.

*De conuenientia suscitanda Marie, & seruan-  
dæ ab corruptione.*

I. **M**ortua tamen quam primum suscitabatur: Vt Psaltes prædixit 56. *suscitata  
Exurge psalterium, & cithara exurgam dilu-  
culo.* Scio Augustinum & Hieron. id de Christo intelligere: Sed quid ni & de Deipara accipi queat? Ipsa enim Psalterium altissimorum fuit mysteriorum: & Cithara tribulationum. 2. Ipsa fuit Arca foederis, Exod. 25. ex incorruptibili ligno Sethim compacta: in qua manna, legisque lator afferuabantur. 3. Ideo præ-

predixit Psalm. 15. Non dabitis sanctum suum videre corruptionem. 4. Nolim vel de Seruatore tam sentire sinistre ; ut carnem, ex qua incorruptibilem summis ipse carnem, corruptionem sensisse ullam opinaret. 5. Si enim Propheta suscepit Deus, ne corrumpentur; id Matronon largius fuisset? 6. Amanit ipsam vrsese; ideo perinde & seruavit.

*Scripto  
omnibus  
vniuersitate.* Esto sit generale decretum hoc: *Pulsus* es: & in puluerem reuertitur. At exceptiones admisit. Nam 4. Reg. 2. Elias curru est igneo raptus, in puluerem non redactus. 2. Enoch, Gen. 4. non apparuit. 3. B. Maria perinde fuerit ab eodem exenta: Sicut ab originali peccato : tametsi omnes peccauerunt in Adam. Si animum seruavit ab eo, quod maius: ergo & corpus ab eo, quod minus est, præseruat Deus.

II. Fauent huc Figure. 1. Omnis Iericho euersa fuit: at non domus Raab. Iosu. 6. Scicnitas hac anathema, & omnia, que in ea sunt. Domino: sola Raab meretrix viuat, cum viuieris, que cum ea in domo sunt. Abscondit enim nuncios, quos direximus. At B. V. M. Abscondit verum Iosuam.

2. Diluvium omnia diruit, Gen. 6. præter unam Arcam Noe. Quæ fuit Deipara. Vnde Psal. 13. Surge in requiem tham, Tu, & Arca sanctificationis tuae.

3. Abiathari Sacerdoti, cum Adonia scula, & coniurato, contra Salomonem, Rex ait: 1. Reg. 2. Vir quidem mortis es: sed hodie te non interficiam : qui portasti Arcam Dominorum David patre meo: & sustinuisti labore meo in omnibus, in quibus laborauit pater meus. At B. Virgo non fuit in viuiali conspiratione cum Adamo. sed exenta, quod esset Arca futura ipsam. Quanto minus subesse peccata corruptionis debuit; quæ iam portarat Arcam seruationis?

4. Omnes filii Iob in morte primo- geniti, occubuerunt obtriti: attamen ego solus evasi, ait nuncius Iob Deus est: Adam

primogenitus. posterum hoc oppeti- re omnes. Omnes peccauerunt in Adam, & mortui sunt. At sola B. V. M. eius si peccatum originale: ergo & corruptionem.

## P A R S VI.

Probabilitates alia de eodem priuilegio.

I. *Prodiditores Regum puniuntur euer-* sione domorum suarum; non fide- les Regi. At B. Virgo una semper fidelis extitit Deo.

Augustus Cæsar obsidens Alexan- driam, noluit eam & quare solo; quod A- lex. Magnus condidisset eam & habita- set: teste Plutarcho. Et non Deipara & peper- cisset is, quia ipse fundauit eam Altissimus?

Cant. 7. *Quam pulcri gressus tui, Filia* Duogressus *Principis, in calceamentis tuis?* Hi duo sunt B. Maria. gressus Mariae; primus in vitam absque p. or. Alter è vita absque corruptione: vterque in calceamento carnis pulcer, non miser.

II. Quo Filius cum corpore & anima Fuit cum in celos ascendit priuilegio; eodem & Filio mor- Mater gauisa fuit. Quia vt Dauid, 1. Reg. suscitatio- 30. persequeens Amalecitas, fessos & sau- nis parti- cios reliquit ad sarcinas: ipse cum pau- ceps.

In spoliorum partitione ita sanciuit: Aequa portio erit descendenti ad preium: & rema- nentis ad sarcinas, & similiter diuident. At in Calvaria conflixi, Isa. 65. Torcular cal- casi solus, & de gentibus non fuit vir mecum: ait Dominus. Vbi Fortis impegit in fortem, & ambo pariter ceciderunt. Iere. 46. Et ve- rotum omnes amici dereliquerunt Do- minum: sola Mater sub Cruce stabat, velut ad sarcinas: sola in fide perstigit. Quare æqua fuerit ipsi cum Filio incor- ruptionis portio.

Vt magnes ferrum: ita lapis Christus suam Matrem attraxerit ad se.

III. Dedit hunc instinctum natura simile. Deus-

*De quarto Decalogi.* Deusque eiconiis; ut, dum cœlum mutant, iuniores transportent impositos dorsis parentes, senio, viribusque defecas. Et matri simile non præstirisset Dominus? Quorsum Psaltes: Exurge Domine, in præcepto, quod mandasti, de honorandis parentib. Exurge, quæte anno ætatis xv. enixa est: quæ 33. annis tecum versata: que xv. annis tibi superuixit. Secius tamén Baron. t. i. annal. anno 48. hæc iam obdormiuit: Exurge Domine.

*Mors sine dolore vel morbo fuit.* 1V. Sed mors eius miraculis, & priuilegiis plena fuit. 1. Ioan. Damasc. ait abfuisse morbum, atque dolorem. Ita obiit Aaron in monte Hot, Num. 3. Et Moyses, Deut. 34. in monte Nebo: iubente Domino non caligauit oculos, nec dentes illius moti sunt. 2. Omnes Apostoli ex orbe toto diuinatus congregati sunt; vt in aquila, vbi fuerat corpus Mariæ, Luc. 17. ceu quidam tradiderunt. 3. Cerre adstiterint Angeli Reginæ suæ excipiendæ.

## P A R S V.

## De triumpho &amp; gloria Assumte.

*Figura triumphantis.* I. Triumphum quis memoret, quod cum ad cœlos euecta Deipara fuit? 1. Arca. 1. Repete animo Arcam, 1. Reg. 6. ex terra Philistium ad Bethsamitas, id est, domum solis duætam. 2. Tabernaculum, 3. Reg. 28. sub tentoriis ærumnosæ vitæ commoratum; hodie in Salomonicum cœli templum illatum. 3. Salomonæam, 3. Reg. 2. matris in throno collocationem pone fese; vt suarum rea precum, ac potens, damnet & ipsa votis. 4. Recole Estheram, ca. 2. Assuero acceptissimam ex humili in Reginam euectam, gentis suæ seruaticem. 5. Ecce Saram præpulcaram à principibus Pharaonis commendatam Genes. 12. & in regiam acci. am. 6. Ecce tot passam eclipses Lunam iam plenam.

Contempletur animo, qui potest, ait S. An-

sel. libr. de excellent. Virg. quæ festiuitate iubilabant omnes beatorum spirituum ordines: quando Domini matrem aduentare: & triumphum omnium gloria videbant occurere? Bernard. serm. de Assum. Quis cogita res sufficiat quam gloriofa Reginæ mundi processerit, quanto effectu tota cœlestium multitudine prodierit in occursum: quam diuinis ampliibus suscepta à filio, & super omnem exaltata creaturam?

7. Iacobum, Genes. 26. intrantem Aegyptum, omnes proceres, in gratiam Iosephi, regifice exceperunt. Quomodo Angeli Deiparam: cui data fuit omnis potestas in cœlo, & in terra; proximam post Filium exceperint? Ut attoniti Cœlites: Quæ est ista, quæ ascendit de deserto, deliciis affluens. Terribilis viri castrorum acies.

II. Omnino qualis Regina Saba. 3. Reg. 8. Regina Saba. inuenta Ierosolyma est ad Salomonem, multo cum comitatu, & diuitiis, camelis portantibus aromata, & aurum infinitum numis, & gemmas pretiosas. Non sunt allata ultra aromata tam multa, quam ea, quæ dedit Regina Saba Regi Salomoni. Idem intellige de virtutibus, gratiis, meritis Deiparae assumæ. Cordatum describens mulierem Salomon, Proverb. 31. ait: Multæ filia congregauerunt sibi diuitias, tu supergressa es uniuersas. Hæc verissime Deipara est: quem tantum cumulauit opes gratiarum; perdidit nullas vlo peccatillo, vtr nos.

1. Quare, vt de Christo, Heb. 1. Sedit ad Ita & glandex terram maiestatis in excelsis: tanto maior rorosissima Angelus effectus, quanto præ illis differentius nomen hereditauit. Cui enim aliquando Angelorum dixit: Filius meus es tu, ego hodie genui. Vnde efficere voluit; gloriam Angelorum esse non nisi seruorum: Christi vero unigeniti: Ioan. 1. Et vidimus gloriam eius, gloriam quasi Unigeniti. Ita de Matris gloria supra angelos in comparabili concludas licet.

2. Si enim, Ioan. 12. Vbi Ego sum: illic & mini-

minister meus erit : Quanto ei propinquior Mater ; tum ex suo Deologi quarto : tum ob humilitatem eiusdem? Luc. i. Ecce ancilla Domini , fiat mihi secundum verbum tuum.

3. Si, i. Corinth. 2. Nec oculus vidit , nec auris audivit que Deus preparauit diligenterbusse : qualia parata fuerint tantæ Matris?

## P A R S VI.

Deculto debito Assumptæ.

I. V ifum, Apoc. 12. signum magnum in cælo , mulier amicta sole , redimitaque stellis XII. Hodie id apparuit signum , & in celo amictum maiestate gloriae: coronatum XII. doribus beatificis. 1. Visione Dei: 2. Amore Dei: 3. Gaudio.

4. Cognitione rerum naturalium : 5. Splendore corporis: 6. Impassibilitate: 7. Agilitate : 8. Subtilitate. 9. Exaltatione supra Angelos: 10. Matris dignitate : 11. Virginitatis aureola: 12. Reginæ præcelentia.

Videte Aquilam, quæ in arduis ponit nudum suum: penetrans cœlos, transcendens & Angelos, proxima consistit Deo.

Neque tamen eam, ut Deam, colimus; cen Collyridiani; nec ut Creatricem: 1. Sed ut Aduocatam ; 2. Inque ea honoramus & Filium ; vt quam propter hunc columus. 3. Nam, Pro. 17. Gloria filiorum patresorum.

II. Impia igitur eorum est vesania; qui Deipara cultum negant debitum: 1. quæ omnis ei detulit Antiquitas, & Sanctitas. 2. Nil derogamus Filio in honore Matris, quin potius illius honorem sic cumulamus. 3. Sicque necesse est: Ecce enim ex hoc beatam me dicent omnes generationes. Quianam? Quia fecit mihi Magna qui potens est. Luc. i.

Non veneraremur eam; quæ est Diva; vti Bersabæa, 3. Reg. i. à dextris astidens Filii. Est Assueri compar Regina Deique

polique, Esth. 2. 3. Est prudens Abigail, i. Reg. 25. Davidis irati in nos Nabales plancatrix. 4. Est Thectitis, 2. Reg. 14. patri reconcilians rebelles Absolomos.

Debet igitur , vultque honorari; vt hoc maior in Filium honor redundet. Obiectum & finis co-lenda.

1. Bersabee, 3. Reg. i. hoc à Davide petebat prostrata vnicum; vt Filius patri succederet Rex: Ita Deipara hoc nos postulat: vt Filius suus Rex sit in nobis: vt ipsi conregnemus. 2. Bi tantum legitur suis feliciter locuta hominibus. Elisabethæ salutatrix: Et nupcialib. ministris, Ioan. 2. Omnia quæcumq; dixerit rabbi facite. Idem & nobis ab ea dici cogitemus. Quantum quidem ipsam audierimus; tantum & nos ipsa exaudiet: proq; nobis laborabit tantum, quantum hic nos pro Filio.

3. Itaq; quib. Adonias Bersabeam appellauit, iisdem nos Te, 3. Reg. i. Preco, vt dicas Salomonis Regi, IESV, vt det mihi Abigail uxorem, gratiam cum regno gloriae. Tibi pro nobis supplicati, Rex dicit, quod Assuerus Estheræ, cap. 5. Quid vis Regina Esther? Que est petitio tua! Etiamsi dimidiabis partem regni petieris, dabitur tibi. Ita fiat Amen.

## IN F. R O C H I C O N-fessoris:

Sint lumbi vestri præcincti, & lucernæ ardentes in manibus vestris.

Luc. 12.

Tobias cap. 1. à puero virtutis amans timensq; Dei, constanter adusq; canos, & meritorum diues; ab Salmanasar Assyri rege captus, ductusq; in Ninive, licet tyrannide oppressus barbarorum, ab amore tamen, timoreq; Dei nil deflexit patiens exul: insuper misericordia operibus sese impendebat, & orationi,

Haud scio maiorne, (cerre non minor,) Tobias S. Rochus patria Gallus;

O o o illu.